

四庫全書

史部

欽定四庫全書

史部

綱目續麟卷六
七

詳校官檢討

臣劉錫五

刑部郎中

臣

許兆椿覆勘

總校官中書

臣朱

鈐

校對官學正

臣周

鏞

謄錄監生

臣姜

今熙

欽定四庫全書

綱目續麟卷六

宜春張自勲撰

西世祖光武皇帝秀建武元年春正月方望以前定安公嬰稱帝于臨涇玄遣兵擊斬之

書法

定安公前書莽廢則不宜廢者也此其不書故太子何書故太子則宜帝矣長大不能名

六畜尚足以帝乎故書以稱帝以者見以于人
也帝王所自立者也見以于人則不足以帝矣

定安公三字當從漢書作孺子綱目既不予莽廢不

應復襲其號觀莽號太后為新室文母綱目不書可
證○按嬰非獨不當廢并不當立故書孺子以明幼
闇無知之意而削不稱公不予莽之立而廢之也書
法徒以稱帝為不書故太子不知雖不稱帝公亦不
可書況太子乎乃若書以罪以之者也非謂嬰不足
以帝故書以稱帝也如書法所云使嬰足以帝便可
稱乎綱目前書大司馬秀除莽苛政更始元年此復大書
紀年既以正統屬光武則凡稱帝者非逆則僭皆可

誅也况嬰為莽所立已非其正望不能討賊復挾嬰

而帝之與莽何異故書以書稱帝皆所以罪望也至

嬰不能名六畜特王莽幽廢使然

嬰以二歲立為孺子六歲廢為定安

公莽置門衛使者監領教阿乳母不得與語常在四壁中至長大不能名六畜明建文子二歲入禁六十

方出不識牛馬亦此類

豈嬰罪哉書法不罪望而罪嬰俱謬

朱鮪以洛陽降冬十月帝入都之

分注

諸將圍洛陽數月朱鮪堅守不下帝以莽彭為鮪校尉令往說之鮪曰大司徒被害時鮪

與其謀又諫更始無遣蕭王北伐自知罪深不敢降彭還言之帝曰舉大事者不忌小怨鮪今若降

官爵可保況誅罰乎河水在此吾不食言彭復往告鮑即降拜平狄將軍封扶溝侯傳封累世

按禮兄弟之讐不反兵

謂常以殺之之兵器自隨也

方大司徒遇

害世傳帝獨居涕泣不御酒肉未嘗須臾忘朱李也

朱鮑李軼並勸更始殺鮑

今大功既就所向無敵鮑以孤軍負固

一隅宜并力止攻必誅而後已乃利其速下遣彭往

說鮑果自必死不謂帝且有封拜之賞也則當時

所稱涕泣不御酒肉者果何心哉使鮑僅諫蕭王北

伐而非主謀殺鮑猶可曰成大事者不忌小怨以同

氣之親死不以罪竟置不校且授之爵位傳封累世

是為鮪者何幸而為續者亦何樂乎有弟也又况春

陵之役固續發其端邪

新莽地皇三年續及弟秀起兵春陵興復帝室

夫食

人之惠而忘其恩貪人之功而厚其仇若世祖者殆

亦功利之徒非所語于道義也

世祖不仇朱鮪昭烈必報孫吳一過一不

及兩失之矣

丁亥三年馮異大破赤眉于崤底賊衆東走帝勒軍宜

陽降之得傳國璽綬

綬字羨○按集覽云綬帶也所以繫璽勲意言璽則綬在其中言璽綬則若二物矣據晉愍帝建興八年書張寔得璽獻之穆帝永和八年書謝尚得傳國璽獻之皆無綬字則此條綬字宜刪

二月劉永立董憲為海西王張步為齊王步執伏隆殺之

分註

劉永聞伏隆至劇亦遣使立張步為齊王步貪王爵猶豫未決隆曉譬曰高祖與天下約

非劉氏不王今可得十萬戶侯耳步欲留隆與共守二州隆不聽求得反命步遂執隆而受永封隆

遣間使上書曰臣隆奉使無狀受執凶逆雖在因
阮授命不顧顧以時進兵無以臣隆為念帝得隆
奏召其父湛流涕示之曰恨不且許而遽求還也
其後步遜殺之○延平陳氏曰伏隆之求還足以
成命矣死而無憾安用且許之
乎光武之言所以慰其父耳

光武所云非徒慰其父蓋近于權者之言也然隆之
見殺不在求還在拘守漢約謂非劉不王耳如饑餒

之人方欲得食吾謂不可以無禮能保其不終兄臂

乎又況有不求而自致者步亦何樂于漢哉

永方啗步以王

爵隆復堅守漢約以拒之此隆不知權處未可槩為隆諱
既失于前復迫于後此

隆所以死也以隨何說九江王

詳見漢王二年

觀之隆亦不

能無過陳氏謂足以成命而無憾是徒知正而不知

權非所以論隆也

始行鄉飲酒禮

補註

從司徒伏湛之奏也每歲黨正以禮屬民飲酒于序以正齒位之禮使民知尚賢尊長也

綱目不書漏也○按唐玄宗開元六年令州縣行鄉

飲酒禮書法謂終綱目千數百年唯開元行之不知

世祖已行于建武三年自是漢家以為故事

明帝永平二年

行鄉飲酒禮于學校見禮儀志特綱目失于編錄耳故當大書以著

其始安有漢世已行之禮獨歸美于唐宗乎

書法云雖舉一

廢百而綱目書之其亦錄羊之微意與

綱目與書法皆非也今據伏湛

傳及禮儀志補之

已丑五年彭寵奴斬寵來降夷其族封奴為不義侯

考異

提要此下有以郭伋為漁陽太守八字

綱目太守不悉書惟賢而有政者則書之

如杜詩張堪第五倫

之流故彭寵為漁陽太守不書王霸為上谷太守不書

郭伋不書亦是類耳

十一年書以郭伋為并州牧以有選東簡賢之言也提要

不必從

十二月盧芳入塞掠據五郡

考異

此當書寇與元朔三年匈奴入代郡同

分註

初五原人李興隨昱朔方人田颯代郡人石鮪閔堪各起兵自稱將軍匈奴單于遣使與

興等和親欲令盧芳還漢地為帝興等引兵至單于庭迎芳十二月與俱入塞都九原縣掠有五原

朔方雲中定襄鴈門五郡竝置守令與胡通兵侵苦北邊

書法

王莽之世書匈奴分道入塞不書入寇賊莽也此其書入塞何未忍以寇待芳也至于匈奴

奴烏桓連兵犯塞則書寇矣

此盧芳入漢之始綱目據事直書耳下書掠據五郡

故上不書寇義與十五年入居高柳同

盧芳復入居高柳不書寇

書法謂未忍冠芳

芳自光武正位即據安定為西平王嗣後與匈奴和親至是掠據五

郡既無功于漢又非劉永之比何謂而不忍耶非綱目之意考異不必從

徵處士周黨嚴光王良至京師黨光不屈以良為諫議

大夫

考異

按光本姓莊後避明帝諱史改作嚴據建元六年分註莊助元狩五年書莊青翟皆改舊

史從本姓此亦當
書莊光傳錄誤耳

分註 帝少與嚴光同遊學及即位以物色訪之得
于齊國累徵乃至拜諫議大夫不肯受去耕

釣于富春山中
以壽終于家

按子陵本姓嚴故光武稱子陵亦曰嚴即隱釣之山

猶以嚴名

即富春山
今名嚴陵

未可與莊助青翟比考異以為

傳錄之誤非是

按避諱改姓在明帝壬戌距此尚三
十年使光果姓莊安有子未立而父

先為故人易姓者
蓋信考異說誤

○據分註周黨王良臣也光與帝

同學友也友而臣使之此光所以去也世傳光以足

加帝腹司天者遂有客星犯座之奏帝以故人謝之

太史奏客星犯帝座甚急帝笑曰朕故人嚴子陵共臥爾此光不得已而加帝帝

亦不得已而容之後世徒稱其相得益彰豈知子陵

光武者哉

按光武知封卓茂尊桓榮而不知禮嚴光殆有為而為非真有好德之懿知人之明

也黨光並徵已失輕重使光有早見當其徵時已可不起非帝與其臥光亦何以自別于黨哉

庚寅六年隗囂反使其將王元據隴坻諸將與戰大敗而還

當作諸將討之弗克

此書討故馮異可書擊不然叛罪微而大義隱非所以治臣子

也○按上書反下當書討今書戰書敗非是春秋傳
云內兵書敗曰戰書滅曰取特婉其辭為君諱也夫
以敵國相攻春秋猶有內外之分况隗囂為西州上
將軍元年鄧禹承制以囂為西州上將軍至是反乃漢之臣子既正其為
反而可直書不隱乎故當改正

隗囂遣兵下隴馮異祭遵擊破之

下當作陷

據九年公孫述遣田戎下夷陵綱目書陷可證

○按征伐例云寇

得曰陷隗囂書反則寇也下隴則得也故當書陷不

書則與吳漢下隴無異

八年公孫述遣兵救非所以

懲叛也

又凡例云凡正統用兵于臣子之僭叛者曰征曰討綱目于八年書征罵九年書討

是明以正統與帝以臣子僭叛治罵獨于下隴從其本文與例不合

已亥十五年二月徙邊郡吏民避匈奴

分註

匈奴寇鈔日盛州郡不能禁二月遣吳漢率馬成馬武等擊匈奴徙鴈門代郡上谷吏民

六萬餘口置居庸常山關以東以避胡寇匈奴左部遂復轉居塞內朝廷患之增緣邊兵郡數千人

按春秋時羣蠻叛楚楚人謀徙于阪高蒧賈曰我能

往寇亦能往以中國之主不能捍衛邊民至徙以避

豈禦侮之道哉未幾匈奴轉居塞內為朝廷患則皆此舉貽之也王者之待外國雖不可窮追以失仁亦何至養寇而失義武帝之黷武與世祖之避之皆非也

辛丑十七年進右馮翊公輔為中山王

考異

提要作沛王後無徙中山王輔為沛王八字

按輔為中山王實自右翊進

漢紀書右翊公無馮字

至為沛王

則自中山王徙也

見二十年

提要不書中山為沛王良是

至以是年為沛王則誤考異不加析別非也

癸卯 十九年妖賊單臣等據原武夏四月臧宮破斬之

考異

據永初三年書海賊張伯路熹平元年書會稽妖賊許

生三年書吳郡司馬孫堅討許
生斬之則此條破字當作討

分註

妖賊單臣傳鎮等相聚入原武城自稱將軍
詔太中大夫臧宮將兵圍之數攻不下帝召

公卿諸侯王問方略皆曰宜重其購賞東海王陽
獨曰妖巫相劫勢無久立其中必有悔欲亡者但
外圍急不得走耳宜小挺緩令得逃亡逃則一
亭長足以禽矣帝然之即敕宮撤圍緩賊賊衆分
散遂拔原武
斬臣鎮等

據分註當書遣臧宮討斬之。○按斬臣鎮等雖宮然宮所以能斬臣鎮者由帝從東海王陽之策也義當書遣以明功自上出綱目直書臧宮非是

六月廢太子彊為東海王立東海王陽為皇太子改名

莊

原本廢下有皇字
今從考異刪去

分註

郭后既廢太子彊意不自安鄧惲說太子曰久處疑位上違孝道下近危殆不如辭位以

奉養母氏太子從之數因左右及諸王陳其懇誠願備藩國上不忍遲回者數歲六月戊申詔曰春秋之義立子以貴東海王陽皇后之子宜承大統皇太子彊崇執謙退願備藩國父子之情重久違

之其封疆為東海王立陽為皇太子改名莊○胡氏曰春秋之義立子以長不以功以德不以貴無立子以貴之說也借如立貴者疆非后子乎蓋不得于義故不得于言曰春秋之義立子以貴東海王陽皇后之子宜承大統則是得失之分不待辯而自明矣

立子以貴見春秋公羊傳

魯隱公不書即位公羊云凡隱之立為桓立也隱長

又賢何以不宜立立適以長不以賢立子以貴不以長桓何以貴母貴也

胡氏謂無其說

者非也

此以立貴為言猶雋不疑此以立貴為言猶雋不疑

疆雖后子是時

郭氏廢而陰氏立

陰氏東海王陽母十七年立為皇后

故曰東海王陽

皇后之子明疆以郭廢陽由陰立也義雖不順言非

無據胡氏不察徒謂不得于言非獨失考并未悲詔
辭之意乃若以長不以功之說當以唐宋王成器為
正成器玄宗兄睿宗嫡長玄宗平韋氏之亂欲立成器為太子辭曰時平則先嫡長世難則先有功死不敢居平王上平
王玄宗初封也胡氏不分平難槩以立長為定論
亦非

辰甲

二十年徙中山王輔為沛王

書法

東漢封子不悲書此何以書廢后子也后雖被廢而帝之加恩其子猶若此故進為中山

王書徙為沛王書予存厚也

此條宜刪

提要是年無徙中山王輔為沛王八字得之

○按廢母厚子已

非其正況太子復廢

上年廢太子彊為東海王

何有于中山王雖

不書可也書法謂予存厚非是

丙午二十二年西域復請都護不許遂附于匈奴

遂附于匈奴五字宜刪○按書法發明既以不許都護為得務內自治之意則西域雖附匈奴不宜大書

據分註班固謂西域雖屬匈奴不相親附可見不必書

今上書西域復請都護

不許下書遂附于匈奴若惜其失策而驅之使去何

以著其美邪法有宜略而不可詳者此類是也

申戊二十四年秋七月遣馬援征武陵蠻

考異

按征伐例用兵于臣子之叛亂者曰征曰討于外國曰伐曰攻曰擊據前年書武陵蠻反

遣將軍劉尚擊之則此誤作征

征當作討○按書法師衆例云凡興師有名曰征曰

伐曰討勲意天子自將稱征遣將書討書伐武陵蠻

雖非臣子然上年書反遣將軍劉尚擊之敗沒則是

有罪可執非興師無名者比故當書討以正其罪若

復書擊不惟非內外防守之義而輕重淺深亦欠析
別如中元二年上書燒當羌反遣兵擊之敗沒下書
遣馬武等討之自是正體考異泥例不可從

酉己

二十五年南單于擊北單于破之來請使者監護

考異

南上漏匈奴二字提
要北單于作北匈奴

南上非漏匈奴字但北單于當作匈奴耳考異不必
從○按匈奴自是年春分為南北綱目于南單于不
書匈奴內之也

上年南單于入貢已書匈奴正名也
以後可略惟中元元年南單于比死

當從考異補匈奴二字所以正其終也觀和蓋南單
帝永元五年屯屠何死特書南匈奴可見

于嘗內附非復匈奴比故明年立南單于庭徙南單

于居西河美稷南單于遣子入侍皆不書匈奴至北單

于求和親

明年

乞和親

二十八年

寇五原雲中

明帝永

平五年

綱目

必書匈奴而不曰單于所謂因其人而外之也

見春秋隱

公二年
會戎傳

考異不察綱目書法之意槩指為漏非是

下

此

丁巳建武中元二年燒當羌反遣兵擊之敗沒冬復遣馬

武等討之

是年二月帝崩

考異

提要無等字討字當依上文作擊

按分註遣中郎將鄧固監捕虜將軍馬武等四萬人

討之則等字不可少

明年書馬武等擊羌破之亦有等字

提要無等字

或傳錄誤漏耳討義見前考異不必從

壬戌顯宗孝明皇帝永平五年十一月北匈奴寇五原

雲中南單于擊却之○安豐侯竇融卒

考異

提要安豐上有十二月三字

按漢書匈奴冠五原在十一月其冠雲中南單于擊却之在十二月綱目并書省文耳故融卒不書月書十二月則嫌以單于擊匈奴為十一月矣故略之提要十二月三字宜刪

甲子七年北單于求合市許之

考異北上漏匈奴二字

分註北匈奴猶盛數冠邊遣使求合市上冀其交通不復為冠許之

據分註非漏匈奴字但單于二字當作匈奴耳義詳

建武二十五年考異不必從

乙丑八年冬十月詔聽有罪亡命者贖

考異

據分註帝聞西域有神其名曰佛因遣使之天竺求其道得其書及沙門以來則此句上

當書遣使之天竺求佛法得其書及沙門攝摩騰至京師置于鴻臚寺寫考後魏孝明神龜元年遣使如西域求佛書綱目大書示戒又觀歷代崇信異端者綱目莫不悉書况漢明帝求佛書啓覺端為天下後世之禍致堂胡氏論之詳矣朱子感興詩云誰哉繼三聖為我焚其書蓋嫉之甚矣獨此闕漏不書所與訥齋趙氏書云未及細看者或此類也

分註

募死罪繫囚詣度遼營有罪亡命者令贖各有差楚王英奉黃繒白紵詣國相曰託在藩

欽定四庫全書

卷六

輔過惡累積微喜大恩奉送繚帛以贖愆罪國相以聞詔報曰楚王誦黃老之微言尚浮屠之仁祠潔齋三月與神為誓何嫌何疑當有悔吝其還贖以助伊蒲塞桑門之威饌初帝聞西域有神其名曰佛因遣使之天竺求其道得其書及沙門以來其書大抵以虛無為宗貴慈悲不殺以為人死精神不滅隨復受形生時所行善惡皆有報應故所貴修鍊精神以至為佛善為宏潤勝大之言以勸誘愚俗精于其道者號曰沙門于是中國始傳其術圖其形像而王公貴人獨楚王英最先好之

綱目不書遣使之天竺求佛書非闕漏也乃傳疑耳
勲參攷衆書明帝實無此舉分註所載不見本紀特據西域及楚王英傳斷致成文非別有行事可證也

楚王傳云英少好游俠晚更喜佛老學為浮屠齋戒

祭祀八年詔令天下死罪皆入縑贖英遣郎中令奉

黃縑白紵三十匹贖罪帝詔報還贖以助伊蒲塞桑

門之盛饌

助饌亦就楚英言耳非如後世飯僧者比

由此觀之即謂浮屠

始于楚英可也至西域傳叙天竺始末至桓帝延熹

以後乃云世傳明帝夢見金人長大頂有光明以問

羣臣或曰西方有神名曰佛其形長丈六而黃金色

于是遣使天竺問佛道法勲按既稱世傳又云或曰

其言恍惚無據范曄不入本紀蓋亦疑其言之不足

信也後世安得遽指為明帝之罪乎

或云秦時沙門室剎房至始皇

以為異因之夜有金人破戶以出是佛教不自明帝始也唐韓愈佛骨表亦但言明帝時始入中國未嘗

直指明帝丘瓊山以明且明帝少能辨妖巫之賊詳世

祖建武十九年長好崇師儒之禮二年臨辟雍行大射養老禮其不惑于

異端可知理欲不並立未有崇正教而復信異端者蓋見諸說之謬又況是月日

食詔羣司極言無諱帝宣示百官深自引咎未嘗有

一言及浮屠者然則西域所傳安知非夷人張大具

事以簫鼓後世如莊列諸書謂孔老同時且執禮于

老氏顧可信哉

按北齊韓賢傳云西域以白馬負佛經送洛因立白馬寺當時或西域自

投中國非必明帝往求之也

致堂管見八分註者十殆八九而此

獨屏不錄意固有在乃若感興二語雖指佛書初非
為明帝發使明帝果有此舉綱目宜大書特書以著
其罪惡有啓釁貽禍之事而不見諸冊者哉歟故備

論若此俟後之君子正焉

是時帝崇尚儒學自皇太子諸侯王及大臣子弟功

臣子孫莫不受經又為外戚樊鄩郭陰馬諸子立學南
宮號四姓小侯置五經師自期門羽林之士悉通孝

經章句匈奴亦遣子入學若是而謂帝好佛求書吾不信也況楚王英好浮屠卒以罪廢帝未嘗恕之使帝果與英同好慈悲不殺何難宥一英乃窮治連年邪溫公通鑑略去世傳或曰等字直稱帝聞西域有神綱目依文錄入亦未詳考魏收魏書則謂武帝遣霍去病討匈奴獲休屠王金人以為大神列于甘泉宮不祭祀但燒香禮拜此佛道流通之漸張騫使大夏傳其旁有身毒國一名天竺始聞有浮屠之教哀帝元壽元年博士弟子秦景憲受大月支王使伊存口受浮屠經中國聞之未信了也獨以衣經傳法謂自明帝始所稱或曰直指傳教亦未可泥也

是月晦日食既詔羣司極言復以示百官

此下漏北匈奴寇河西諸郡八字○按是年置度遼

營十五年遣都尉

耿秉竇固

屯涼州皆所以備匈奴也

十六

年遣祭彤竇固等伐北匈奴

當據漢書補寇河西等字以著其端

明漢過不先而帝所以備之者非耀武喜功者比也

綱目略之非是

是年補書庶免十六年書法兵端我始之誤

辛未十四年故楚王英自殺

發明

英已廢矣而猶書爵蓋前既書其有罪所斷已明故也

當作英至丹陽自殺○按罷免例云官已見者不復見惟無罪而賢者特書之雖已廢免亦曰故某官爵

某據英廢書有罪

上年十一月書有罪廢徙丹陽

不可謂賢此復書

爵與無罪而賢者無別故當改正

惟書英至丹陽自殺既得其實又與

上文相承此法之當也

發明傳會綱目非是

申

十五年春二月帝東巡耕于下邳三月至魯詣孔子

宅

考異

下文漏還宮與太初三年同

分註

諸孔子宅親御講堂命皇太子諸王說經

宅下當補祠之二字○按本紀云詣孔子宅祠仲尼

及七十二弟子親御講堂再拜進爵而後坐分註刪
去祠仲尼及進爵等語非是還宮在夏四月當冠于
立子恭等上原本書封皇子考異云皇字羨
當書立子恭等為王今從之考異知
其漏而不考其實非也

封皇子六人為王

考異

皇字羨按尊立例註曰封立之命出自天子
不宜自謂其子為皇子只從文帝初例但云

子某則此當書曰立
子恭等六人為王

當作立子恭等為王六人字可省

既云等不必
更計人數網目

樂書六人不一著名非是

酉癸

十六年北匈奴大入雲中

考異

此誤不書寇與元朔三年匈奴入代郡同

分註

北匈奴大入雲中雲中太守廉范拒之吏以衆少欲移書旁郡求救范不許會日暮范令

軍士各交縛兩炬三頭藝火營中星列敵謂漢兵救至大驚待旦將退范令軍士蓐食晨往赴之斬首數百級敵自相轉籍死者千餘人由此不敢向雲中

書法

猾夏書寇此其書入何譏也曷為譏之兵端自我始也故廉范破敵不書

當作北匈奴寇雲中太守廉范拒却之

書太守拒却所以正彤等

之罪也

○據分註敵自是不敢向雲中廉范之功大矣

固當時書以著其美若謂兵端我始則祭彤伐匈奴

是年

宜有譏辭不譏彼而譏此豈法之平乎

譏則當書擊不

當書伐按本紀亦作寇惟廉范傳作大綱目據范傳非是

況前此匈奴曾寇河

西諸郡

八年

特綱目失于編錄非漢過也書法傳會綱

目不可從

如書法所云益信八年不書寇誠為闕漏

甲戌十七年冬十一月遣竇固等擊車師降之復置西域

都護戊巳校尉

明年秋八月帝崩

考異

提要此句下有官字據後建初元年書罷都護及戊己校尉官則此當從提要

都護校尉即官也提要不必從建初元年官字美

丁丑肅宗孝章皇帝建初二年燒當羌反秋八月遣將軍

馬防校尉耿恭擊之

校當作都○按元年大書罷戊己校尉官分註云詔拜

恭騎都尉此當書都尉耿恭

觀永元三年大書以班超為騎都尉可見

綱目仍作校尉誤

庚辰五年春二月朔日食舉直言極諫

分註

詔所舉以巖穴為先勿取浮華

舉上漏詔字。或曰詔者未定之辭，不書詔謂已然也。所以紀實也。故下直書以直言士補外官。是年五月勲謂惟書以直言士補外官，愈不可不書詔。若曰方詔舉之而遽令補外，抑何心哉！所以深譏之也。

壬午七年九月，帝如偃師，遂至河內。

此條漏還宮二字。當云遂至河內及鄴，是月還宮。

乙酉元和二年冬，南單于與北單于戰破之。

考異

南上漏匈奴二字一本北單于作北匈奴

北單于當作北匈奴南上非漏匈奴字考異不必從
丁亥章和元年春三月護羌校尉傅育擊羌敗死

敗死當作戰沒○按漢紀作戰沒當從漢書綱目誤

戊子
二年帝崩

書法

賀善贊曰章帝之篇綱目書詔十六為愛民恤刑而發者十可謂仁厚之主矣而又垂意

禮樂尊師重學其失者獨廢太子殺

梁竦二事耳所謂面壁之微瑕也

肅宗之篇善政屢書固漢賢主然其失非特廢太子

殺梁竦二事如下耿恭獄以直言士補外官庇曹褒

定漢禮不令有司平奏又無故改元從諛自誣皆帝
之失也在他主或未為大過然春秋責備賢者賀善
又以廢子殺疎為白璧微瑕則後之觀者必皆以為
盡善非所以垂訓也況太子國本關繫匪輕賀氏指
為微瑕尤誤

它如聽皇后譖殺四貴人竇憲奪公主
田園不能罪鄭宏以言竇憲收印綬死

皆非
也

冬十月侍中竇憲殺都鄉侯暢太后以憲為車騎將軍
使北擊匈奴以贖罪

考證

當加舅子待中之上○謹按凡例曰凡親戚貴重者書其屬以著與政之禍後倣此

凡例書屬病人主也竇憲之橫乃太后所為

是時太后臨朝

非和帝之過故不書舅下書太后以則罪在太后明矣考證說泥

丑巳孝和皇帝永元元年九月以竇憲為大將軍

考異

按封拜例曰凡以親戚貴重者書其屬則此當如王鳳等書舅竇憲據建寧二年書以董

貴人兄子重為五官中郎將永興二年書封乳母馬惠子初為列侯重以貴人兄子初以乳母之子尚書其屬則此條不書舅傳錄闕漏耳

書屬義見上考異泥例與考證同不可從○按竇憲

伏誅出帝密謀

詳永元四年時帝年十四

不復與聞太后是帝未

嘗舅憲也綱目于憲為將軍一書自後斥稱姓名不

曰大將軍憲者

據霍光何進皆書大將軍光大將軍進

不與其為將軍

也至伏誅復書大將軍竇憲明太后用人之失而憲

為將軍非帝意也故不書舅與鳳等異者不以竇氏

累和帝耳諸家見不逮此何與

癸巳五年北單于畔遣兵追斬滅之

考異

北 上漏 匈奴二字

分註

竇憲既立於除鞬為北單于欲輔歸北庭會憲誅而止於除鞬自畔還北詔討斬之破滅

其衆

鮮卑徙據北匈奴地

分註

鮮卑既據匈奴故地匈奴餘種十餘萬落皆自號鮮卑鮮卑由此漸盛

當與上合為一條書曰北單于畔歸匈奴遣兵追斬

滅之鮮卑徙據其地○按單于滅而鮮卑據其地間

無異事義當合書

按鮮卑傳云永元中大將軍竇憲擊破匈奴北單于逃去鮮卑因此

轉徙據其地固當合見匈奴雖滅鮮卑漸盛中國之書鮮卑屢寇自此始

憂未已也此履霜堅冰因事垂戒之義綱目分書非是○據分註明言自畔還北是單于之畔由歸北庭也故下書追若但言畔直書斬滅可矣何追之有故當補歸匈奴三字考異謂北上漏匈奴非也

甲午六年北匈奴降者脇立屯屠何子逢侯叛走出塞遣將軍鄧鴻等擊之不及鴻及杜崇等皆坐誅

分註

鴻坐逗留崇及朱徽坐失胡和致胡反皆徵下獄死

書法

于是皆下獄死
書誅正其罪也

出塞二字羨○按上書走下書擊之不及則遠竄可

知况鴻等既以逗留坐誅出塞二字尤宜削去

書出塞于

遣將之先雖不逗留勢已無及故必去此二字
方可正鴻等爭罪此亦大書與分註矛盾處

盖既云出塞則逗留之罪宜從未減何以書誅書法
徒以為正其罪不知如綱目所書未可以罪罪之也

丁酉九年迷唐寇隴西遣將軍劉尚討破之

考異

討當作擊與元鼎
六年討西羌同

考證

討當
作擊

迷唐不可與西羌同日語西羌之禍中國啓之迷唐

屢降而復反

迷唐迷吾之子迷吾于元和三年反張紆擊斬之迷唐據大小榆谷以叛及鄧

訓為校尉擊破之迷唐西徙訓卒復反至是寇隴西明年詣闕貢獻庚子復反故得書討考

異考證不必從

冬十月追尊梁貴人為恭懷皇太后葬西陵

書法

東漢書后葬矣不書地此其書地何志禮失也于是妾母稱皇太后葬稱西陵非禮矣

儒者嘗言天理人欲勲以為情與義而已矣以義制

情則事順而節安以情滅義則動乖而罪大和帝之

追尊其母非私加之也為其無罪而枉歿也

詳建初八年殺

梁竦分註

子為天子不克蒙福而先以誣死為其子者非

稍有以異之不已忍乎故尊為皇太后人情之所不容已者然而早父失經亂倫瀆禮則罪且不可追將若之何以義斷之與其使母受無益之虛名而令已有違禮之實罪曷若俾死者安應得之故號而令生者為無過之賢君乎又況無忝所生不在區區稱謂

間也書法徒譏其失禮而不明之以義非惟往者不服即後世人子不幸而當此亦何以自解邪

以呂蓋為司徒司空奮罷以韓稜為司空

司空上漏圈子異事連書不以圈隔非是

戊戌十年南單于師子死單于長子之檀立

考異

南上漏匈奴二字

當作南匈奴單于師子死

五年屯屠何死書南匈奴單于

考異謂南

上漏匈奴非也

庚子十二年夏四月秭歸山崩

當書夏四月象林蠻反郡兵擊降之

見漢書本紀

補註

蠻夷二千餘人寇掠百姓燔燒官寺郡縣發兵討擊斬其渠帥餘衆乃降

閏月秭歸山崩○按此象林入寇中國之始綱目不書非是況明年書貸象林種十四年書置象林將兵長史皆從此起不書其反亦何以見義哉秭歸之崩在是年夏閏月觀永和順帝三年地震書閏四月則此亦當書閏法有不可畧者此類是也

壬寅

十四年封鄭衆為鄭鄉侯

考異

按封拜例曰凡宦者除拜當書者皆加宦者字此條分註宦者封侯自此始而不書宦者

亦闕漏也或云前書以鄭衆為大長秋已加宦者字然延熹二年封單超等為列侯以單超為車騎將軍再書宦者不厭辭繁況永平八年以鄭衆為軍司馬乃使匈奴之鄭衆而非宦者之鄭衆此宜書宦者以別之矧刑臣封侯之始乎

考證

當加宦者二字于鄭衆之上○謹按凡例曰凡宦者封爵皆加宦者字註云如鄭衆之屬

朱子特立此例以著有功之禍

發明

鄭衆封侯何以不揭宦者書之蓋已見之于前矣

當從考異考證加宦者字發明傳會綱目非是

癸卯十五年夏四月晦日食

雨水

雨上漏秋字○按是年雨水屬秋

帝紀云是秋四州雨水

綱目

宜書秋雨雨水不書則疑于夏春秋雖無事猶書首時
況有事而可不書乎

乙巳元興元年冬十二月帝崩太子隆即位

考證

當作皇后迎子隆即位○謹按凡例曰繼世曰太子某即位有故則隨事書之和帝太子

十數後生者養于民間帝崩鄧后迎立子隆為太子即位和帝在位時固未嘗立也當隨事書之以著其實當作皇

后迎子隆即位

分註

初帝失皇子十數後生者輒隱祕養于民間羣臣無知者及帝崩皇后乃收皇子于民間

長子勝有痼疾少子隆生始百餘日迎立以為太子即位

書法

惠帝之末書太子即位而不書立太子他人子也于是太后收皇子於民間則其正統明矣不書立為太子何迎立於發喪之後也元孫嬰則何以書王莽居攝嬰未嘗即位書立為皇太子所以正名也然則隆不書立與少

帝何別焉即位書名所以為異也

當直書少子隆即位○按隆立不書迎為鄧后諱也

后舍勝立隆自后之私然春秋之義善多者為之諱

其惡所以全之也至不可諱而後譏此殤安二帝同

出后迎而或書或否之所以異也

延平元年書太后迎清河王子祐入

即位考證謂當隨事而書以著其實特綱目書太子之

誤耳殤帝未嘗立為太子安得以太子書惟易以少

子則殤帝之不當立與皇后之不當迎皆見矣如但

以稱名為異則和帝嘗書立為太子

章帝建初八年書立子肇為皇

太子即位書肇

章和二年書太子肇即位

又何別焉書法但知其與

少帝異而不知其與和帝同終是傳會綱目耳

丙午孝殤皇帝延平元年封帝兄勝為平原王

考異

帝字義按建武二年書封兄續子章為太原王十五年書追謚兄續為齊武公竝不加帝

字則此帝

字當則

孝殤安得與世祖比據分註

見即位條

生始百餘日安知

勝之為兄而封之凡此皆太后所為故特書帝春秋

之義立子以長前書少子即位此書封兄勝為平原

王太后之私益著矣

有兄不立而立其弟彼此正互相發

考異不察至

以世祖例孝殤謬甚

三月葬慎陵

考證

慎陵當作順○謹按漢書帝紀葬孝和皇帝于慎陵章懷註云俗本作順者誤考之皇后紀

和熹皇后合葬順陵而靈帝父孝仁皇稱慎陵世之相去不遠豈應襲慎陵之號蓋孝和實葬順陵而皇后紀可證也章懷因正文傳寫以順為慎遂註為俗本之誤者非是當作順陵為正

當從考證作順陵○按后紀既稱合葬不應順慎相

反之甚觀易坤卦文言云履霜堅冰至蓋言順也朱子本義謂當作慎古字順慎通用果爾則漢書帝紀

雖云葬孝和於慎陵安知非即順義章懷以為俗本之誤或未詳通用之說耳然孝仁既稱慎陵當書順以別之考證說可從

夏四月罷祀官不在祀典者

考異

提要禮
誤作祀

當從提要作祀禮

漢紀本作祀典

○按禮祭法云非此族也

不在祀典蓋祀者禮之一端

禮有五祀
居其一

禮者祀之統

名稱祀典則非非禮可知稱禮典則與祀官不切考

異以提要為誤非是

秋七月詔實覈傷害除其田租

分註

詔曰間者水災害稼朝廷憂懼而郡國欲獲虛譽遂多張墾田競增戶口掩匿盜賊貪苛

慘毒延及平民刺史垂頭塞耳阿私下比不畏于天不愧於人自今以後將糾其罰其各實覈所傷

害為除
田租

當作詔實覈傷害田除其租。○按詔辭首稱害稼專責郡國多張墾田以賈虛譽則所書傷害者為田言也義當先書田後書租以明所傷害者除之其未傷

害者不槩除也如此方不失實覈之意如綱目所書
傷害既無所指除租又似槩蠲何以見其義哉

葬康陵

是年八月帝崩

考異

謹按漢書殤帝葬康陵質帝紀叙康陵在恭陵上而前漢平帝已名康陵或曰康本作康

庚與康字相似但少不同遂誤為康陵章懷注云在慎陵塋中庚地今詳或人之說及章懷註語則當作庚陵姑錄于下
以俟博學君子正焉

當從考異作庚陵○按殤帝以上年十二月即位分
註云生始百餘日至今年八月崩未週一歲故諸臣

諡之曰殤禮七歲以下為無服之殤未三月不為殤
殤帝雖得為殤當與無服者等不應獨起陵墓況此
條分註云方中祕藏及諸工作減什之九則章懷所
稱慎陵塋中庾地當得其實蓋前既有康陵後人不
當復取而名之又况孝殤之未成君者乎考異說是
未丁孝安皇帝永初元年冬十一月司空周章自殺

考異

按延平元年司空寵卒即書以尹勤為司空
此上書策免司空勤不書以周章為司空漏

也

按封拜例凡正統命官曰以某人為某註云自永初
元年以後三公因事乃書則綱目不書以周章為司
空例也非漏也據是年九月以寇賊雨水策免太尉
司空三公之職輕矣綱目所以託始于此與必如考
異所云則是時以張禹為太尉綱目不書考異亦不
言何邪十二月以張敏為司空三
年以夏勤為司徒並不書

己酉三年冬十一月南匈奴圍中郎將耿和于美稷遣
中郎將龐雄將兵討之

考異

此當書擊誤作討與元鼎六年討西羌同據四年書耿夔擊南匈奴破走之則此年傳誤

耳

發明

匈奴未有反書而此年書南匈奴反者已臣于漢受其廩給則非其他所可比矣既書其

反於前遂正其討於後書法若此固非苟於尊中國也

此條當以發明為正考異可刪○按考異但知用兵外國者不當書討不知見臣與未服之國其逆順不同也耿夔書擊乃紀其用兵之實執此以例龐雄非矣

元初二年夏四月立貴人閻氏為皇后

此下當書六月地裂○按災異例云凡災異悉書是

年六月洛陽新城地裂綱目不書非是况上年地圻

地陷地震並見於一年之間

春二月日南地圻六月河東地陷冬十月地震

綱目不厭辭繁此裂於立后之後尤不可闕唐高宗

水入寢殿說者以為武氏之應

永徽五年三月高宗以太宗才人武氏為

昭儀閏四月萬年宮夜大水

史稱后性妬忌後宮李氏生皇子保

后鳩殺李氏則二郡之裂安知非為閻后而可不書

乎

洛陽帝都也裂非無故豈可不書

固當補之

丙辰三年度遼將軍鄧遵率南單于擊零昌破之

考異

南上漏匈奴二字六年同

按匈奴自光武時分南北部

建武二十五年

南匈奴嘗稱單

于內之也至永初三年單于反綱目始書南匈奴而

不曰單于外之也四年南匈奴復降於是遇待如初

故綱目自此復稱單于而不曰匈奴乃春秋與人為

善不念舊惡之意考異以為漏非也六年不書匈奴

同

己未六年夏四月大風雨雹○旱

早上漏五月二字○按帝紀是年旱在五月綱目上書大風雨雹下書旱而不月非是或曰不書月省文也歟謂方書大風雨雹而不書月以別之旱亦何自

至哉月有不可省者此類是也它如延光二年癸亥地

震本非十二月

是年地震本紀五行志並不書月

四年地震本非十

一月

五行志是年地震在十月綱目上文既書冬十月越雋山崩十一月三字亦義

綱目並

書月俱非

當書不書不當書而書皆未詳考紀志耳它如永初五年蝗在夏永寧元年揚震為

司徒在冬十二月綱目並繫秋後俱誤

秋七月鮮卑寇馬城塞鄧遵率南單于擊破之

塞字羨○按馬城縣名屬代郡順帝陽嘉二年書鮮

卑寇馬城

本紀作寇代郡

亦無塞字可刪

漢紀無塞字綱目據鮮卑傳書耳郡

國志代郡馬城亦不言塞固當削去

辛酉 建光元年尊嫡母耿姬為甘陵大貴人

考異

嫡字羨按順帝追尊母李氏質帝尊母匱氏並不加嫡字

綱目於耿姬書嫡所以別於孝德后也孝后初為左

氏元龜註乃帝之生母而耿姬則孝皇之元妃也於

生母曰孝德后上書追尊清河孝王曰孝德皇於嫡

母曰甘陵孝德后陵大貴人厚所生而薄所尊發明刊本誤刻

書法今正所謂直書於策其失自見者豈李匡二氏之比

邪李匡之為母猶左氏之為后也李氏安帝宮人生子保是為順帝匡

氏蠡吾侯翼勝妾生桓帝詳皇后紀本非嫡母安得以嫡加之今以李

匡例耿姬是敝冠而苴之履名義安在哉况匡乃桓

母紀於質篇考異指為質帝所尊婦行而母稱之尤

誤質帝母
陳夫人

十二月高句驪王宮圍玄菟州郡討破之宮死

考異

此亦不當書討
與討西羌同

按高句始與鮮卑寇遼東太守蔡諷戰歿

是年
三月今又

圍玄菟猾夏已甚故得書討考異泥例不可從

壬戌延光元年遼東都尉龐奮承偽詔斬玄菟太守姚光

徵抵罪

分註

玄菟太守姚光幽州刺史馮煥數糾發姦惡怨者詐作璽書譴責煥光賜以歐刀又下龐

奮使速行刑奮即斬光收煥煥欲自殺其子縱疑詔文有異止之煥乃上書自訟徵奮抵罪會煥病

死獄中帝愍之賜煥光錢十萬以子為郎

當書遼東都尉龐奮殺玄菟太守姚光徵抵罪承偽

詔三字宜刪○按璽書既詐不下他而下龐奮必怨

者闕奮與光有卻故假手于奮以行其志

發明謂奮不審迂甚

奮雖承詔其斬光之意可誅也況是時馮煥並在譴

中奮必先斬光而後收煥煥因得上書自訟其迹尤

著例當直書殺太守雖不言承偽詔可也

癸亥二年夏四月封王暉為野王君

發明

此乳母也何不揭而書之蓋已見之於前矣

封下漏乳母二字○按前書乳母

元年遣宦者及乳母王聖女伯榮詣

甘陵明伯榮之為私此書乳母正王聖之不當君也義

各有當何嫌於重況宦者封侯漢世故事綱目子單

超猶再書宦者

見桓帝延熹二年

乳母封君自安帝始可不

特書以著其罪哉發明傳會綱目不可從

乙丑 四年帝崩於葉

分註

帝崩於乘輿皇后與閭顯兄弟江京樊豐等謀以濟陰王在內恐公卿立之乃偽云帝疾

甚徙御臥車馳歸四日至洛陽

按漢書帝南巡幸宛不豫自宛幸葉崩於乘輿分註

當補幸宛至葉等字

南巡見上大書

方與大書相應今但云

崩於乘輿安見其於葉邪辭有不可省者非冗也

朱子

當言目欲詳備而不繁冗

尊皇后曰皇太后太后臨朝以閭顯為車騎將軍儀同

三司迎北鄉侯懿入即位

考異

以下漏舅字與竇憲同

考證

當加兄於閭顯之上

書法

綱目書尊皇后為皇太后多矣上必有書即位者也於是北鄉未立則孰尊之自尊也名

號正則可以臨朝矣

當從考證加兄字蓋謂之舅則與先帝有屬戚之分不稱舅者絕之於國明后與兄自為授受耳考異謂與竇憲同非也○按無主自尊與僭號稱王者等何

正之有且女后臨朝非古也綱目所書皆譏辭安得

正其名以成之勲意上書尊皇后下書迎北鄉侯入

即位中曰以兄顯為車騎將軍深著閭顯上奉太后

下媚新君國事皆在其手也

顯忌樊豐耿寶等置之死兄弟並處權要威福

自由固知皆顯所為也

如書法所云是不待天子之立母后可

以自帝非獨與例不合即下書遷后離宮以為罪辭

者書法云遷太后者逆辭也惟漢閭后唐武后為罪辭果爾則后之不可臨朝明矣一人之身自為矛

盾豈可為訓

亦自矛盾矣不可從

中黃門孫程等迎濟陰王保入即位誅閭顯等遷太后於離宮封程等十九人為列侯

考異

當作封宦者孫程等十九人為列侯

當加故太子於濟陰王之上○按濟陰為太子凡五

年

永寧元年庚申夏立子保為皇太子至延光三年甲子九月廢太子保為濟陰王凡五年徒以

宵小之譖

江京樊豐與閭后譏太子帝怒廢之

不獲正位是罪在人主

非太子之過也今而迎立當書故太子濟陰王然後

見保為安帝之子既廢復立而豐顯邪謀卒有所不

能遂亦見天理不可以人勝而陰險用事者徒自取

敗而已

初閻顯吏崔瑗以北鄉侯立不以正知顯將敗

或曰若是是予程等

也勲謂程等雖不可過予然視之閻顯則有間矣今

但書迎濟陰王而不曰故太子則與迎北鄉侯者何

異而閻顯之誅太后之遷反若宦寺亂國之舉何以

著其罪

書法云遷太后者罪辭也

故書故太子者明濟陰當立也

明其當立然後或遷或誅皆得其當此春秋雖以遂

事責齊桓而召陵之績不可不叙也

詳魯僖公四年

傳曰美

在夷狄則罪諸夏故予程等者所以媿大臣也曷過

焉○程等封侯固當書宦者然上書中黃門孫程

漢制

黃門皆以

闈人為之則程等之為宦官明矣

上書中黃門下書宦者辭亦近復故

略

綱目書中黃門

書官之意

而不曰宦者亦所以予程等

也考異不必從

綱目續麟卷六

欽定四庫全書

綱目續麟卷七

宜春張自勲撰

丙寅

孝順皇帝永建元年秋七月以來歷為車騎將軍

此下當書八月鮮卑寇代郡太守李超戰歿○按下

書增置緣邊兵屯為鮮卑數侵故也

分註朔方以西障塞多壞鮮卑

因此數侵詔令緣邊郡增置步兵列屯塞下教習戰射

故當特書以著其橫若

此不書寇下書增置兵屯便覺虛設况延平元年鮮

卑寇漁陽太守張顯戰歿建光元年鮮卑寇遼東太守蔡諷戰歿並書於冊獨李超戰歿不書非是當據漢書補之

癸酉陽嘉二年夏四月京師地震詔公卿直言舉敦樸之士

京師地坼詔引敦樸士對策

書法

京師地震綱目不書京師據成帝綏和二年和帝永元七年安帝元初六年延光元年秋

二年冬三年秋四年冬順帝永建三年之類地道之變遠近不異也此其再書京師何震坼同月也

警戒至矣是故代地震圻而趨以亡京師震圻而
漢以哀綱目地震書京師二順帝以同月震圻書
京師獻帝以一月再
震書京師皆大異也

地圻當作地陷

漢書作地陷

據書法以地陷之變大于圻

裂

見元初元年河東地陷書法云書地圻裂多矣未有書地陷者地至于陷大變也

則此當

從漢紀作陷

分註亦作地圻非是

綱目書圻誤○按是年地陷

在六月綱目宜書月以別之書法謂震圻同月非是
至京師或書或否惟和帝永元七年志紀皆言京師
綱目不書他如成安順不書京師特以郡國之震多

于京師詳此則略彼故不獨書

成帝綏和二年京師郡國三十餘地震安

帝元初六年京師郡國四十二地震延光元年京師郡國十三地震二年京師郡國三十二地震三年京

師郡國二十三地震四年京師郡國十六地震順帝永建三年京師漢陽地震按書京師則略郡國不書

者統辭也若天下皆震云爾

乃若是年震圻本在京師

上條分註左雄疏云

京城復震本條分註云洛陽宣德亭地圻

非因同月而特書書法以同月

京師分兩義

一謂京師震圻而漢哀一謂同月震圻書京師

尤誤且漢之哀

不自順帝始和殤之際國統幾絕永元七年京師地

震綱目宜大書示戒於彼不書於此再書則以孝和

無應變之文而順帝有求言之實也

災祥例云凡因災異自貶損求

言修政施惠者皆書無實者或不悉書

然則再書京師方以著順帝之

美

分註云上覽衆奏以李固為第一即時出阿母還舍諸常侍悉叩頭謝罪

書法指為漢

衰尤非綱目之意信如書法所云彼不書京師者地雖震且裂非哀是漢之興衰由綱目書否而別地變人事皆無所與豈理也哉

甲戌 三年五月旱

當去五月二字○按帝紀是年春二月詔以久旱京

師諸獄無輕重皆勿考竟五月制詔云春夏連旱則

旱非一月甚明綱目冠以五月與詔辭不合宜刪

按是

年旱不見五行志但周舉傳云是歲河南三輔大旱天子露坐德陽殿下策問亦未明言某月也愚謂不書月則旱連春夏可知書五月是旱僅在夏不見久旱之異固當刪去

乙亥四年旱

當書自冬十月不雨至於是月

是月二月也上書春二月聽中官得以養

子襲爵綱目於建興九年亦書自十月不雨至於三月可證

○按帝紀云自去冬

旱至於是月勲意冬春無雨不為旱當以不雨書觀

春秋或書旱或書不雨可見或曰紀但云去冬安知
為十月邦曰杜氏註春秋云一時不雨則書首月紀
稱冬而不月其為一時明矣故書十月

子丙永和元年以梁冀為河南尹

考異

據延熹二年書封皇后兄子
鄧康此梁上漏皇后兄三字

當從考異補皇后兄三字○按梁冀弑君者質帝本
初元年

視王鳳尤甚

凡例親戚書屬
如王鳳之類

故當書屬以著與政之

禍綱目不書非是

四年冬十月帝校獵上林苑至函谷關而還

綱目不書疑漏○按凡例云凡游觀田獵之事各以其事書據桓帝永興二年校獵上林苑遂至函谷關延熹元年校獵廣成遂至上林苑六年冬復校獵廣成至上林綱目悉書於冊今順帝一出不可不書故當補正

六年以梁冀為大將軍不疑為河南尹

當書冀弟不疑為河南尹

集覽云不疑冀弟名

○按元年以冀

為河南尹至是遷大將軍復以不疑為之

兄遷弟繼尤見梁氏

專據津要之弊

河南尹重任不聞擇賢者而專屬外戚亦異

乎元明之待野王閻章矣

野王漢元帝馮昭儀兄治行第一可為三公帝以昭

儀兄不用曰恐後世以吾私野王閻章明帝貴人兄精曉舊典當遷重職帝以貴人兄不用

帝用

人若此漢安得不燬哉書冀弟不疑為河南尹明帝

昵外家而輕民命也

乙酉孝冲皇帝永嘉元年三月九江都尉滕撫擊馬勉范

容等斬之

馬勉范容書盜書反當書討誅不應書擊書斬考異可從

當書以滕撫為九江都尉討馬勉范容等誅之。○按
封拜例云凡正統命官曰以某為某宰相皆書餘官
非有故不書註云有功有事若其人之賢否用舍繫
時之治亂安危乃特書之據分註太后以徐揚盜賊
益熾博求將帥三公舉撫有文武才詔拜九江都尉
助馮緄討之緄討范容見建康元年則撫之為九江都尉非無
故可知下書進擊張嬰及孟張嬰據郡反華孟稱帝並見本年皆破
斬之東南悉平則其有功益著而撫之賢否用舍繫

時之治亂安危於此可見故當特書

丙戌

孝質皇帝本初元年閏六月大將軍冀進毒弑帝

白皇太后策免太尉固迎蠡吾侯入即位太后猶臨朝

進毒二字義義見霍顯弑后條

宣帝本始三年

書法云王莽

不書進毒

考異考證謂王莽漏進毒二字並非

而此書之所以著免固

之由勲按人主可弑何有於太尉即不書進毒太尉

之免亦由帝弑安在欲著免固之由特書進毒哉

丁亥

孝桓皇帝建和元年冬十一月貶清河王蒜為尉

氏侯徙桂陽蒜自殺下李固杜喬獄殺之

分註

宦官唐衡左悺等共譖杜喬帝亦怨之會劉文等謀共立清河王蒜劫其相謝嵩殺之蒜

坐貶爵為尉氏侯徙桂陽自殺梁冀因誣李固杜喬云與文交通收固下獄長史吳祐爭之不從固遂死獄中臨命與胡廣趙戒書曰梁氏述謬公等曲從漢家哀微從此始矣公等受主厚祿顛而不扶後之良史豈有所私固身已矣於義得矣復何言哉廣戒悲慙長歎流涕冀使人脅杜喬使自引決喬不聽收繫之亦死獄中

發明

李固杜喬之死人皆寃之二君誠忠於漢者然冀負弑逆之誅二君不能聲其罪於天下

隱忍而死故綱目於此皆不書其故官哀其不達大臣之義失其職也

當書殺清河王蒜及故太尉李固杜喬

蒜既死貶徙不足言故直

書殺且不書貶某為某者不與其貶也凡例云惟無罪而賢者雖已廢免曰故某官某爵固喬宜用此例

喬於六月為太尉九月策免

○或曰蒜本自殺其直書殺何曰非

貶徙蒜未必自殺既貶且徙不至於死不已書殺誅

其意也或曰國有君矣劉文等謀立蒜不克而死蒜

不能無罪曷為書殺而存其爵曰蒜宜立者為梁冀

所忌

永嘉元年孝冲帝崩太后徵蒜與渤海孝王子續同至京師蒜為人嚴重公卿歸心而續年八

歲李固欲立蒜冀不從與太后定策禁中迎續即位罷蒜歸國雖無劉文之謀蒜亦

不免於死則是殺清河王而已春秋之義無罪自殺

者皆書殺其大夫

楚子玉自殺春秋猶書殺其大夫况清河王乎

蒜以嚴重

見擯死不以罪不書爵何以見其義哉李固杜喬實

為蒜死

冀既弑帝召百官議立嗣固喬皆謂清河王蒜明德著聞又屬最尊親宜立為嗣冀畏蒜

嚴明欲立蠡吾侯志明曰重會公卿冀意氣凶凶廣戒憚憚曰惟大將軍令獨固喬守本議冀厲聲罷會

免固迎志即位

綱目宜書及以著其由不應僅以恒辭書惟

書及書官然後二臣忠漢之節既著發明所謂哀其

失職之謬不辯自息矣身為人臣安能聲其罪於天

下況皇太后主之於上唐衡左悺輩輔之於下固喬雖脫身屏迹猶不免罪況敢為度外之事乎

李雲杜衆可鑒

此仲尼不能得於魯哀者

陳恒弑君孔子請討哀公曰告夫三子者

尹氏

責之固喬亦可謂不知已

戊子

二年三月帝從太后幸大將軍冀府

綱目不書疑漏。按冀國賊也太后無責矣帝不加誅又從而昵之不亦甚乎故當特書以著其忘親逸賊之罪或曰實憲為大將軍綱目不書將軍憲此其

書大將軍冀何曰春秋於意如書卒

見魯定公五年

說者謂

定公不討逐君之賊以為大夫今之將軍冀亦是義

耳

庚寅和平元年春正月太后歸政二月崩

書法

前書猶臨朝譏也此書歸政其美之與亦譏也其譏何太后於是三臨朝矣正月歸政二

月而崩蓋精神血氣其自知也審矣其與終其身者幾希是故上書歸政繼書崩所以深譏之也

當書春二月皇太后梁氏崩

據崩葬例皇太后皇后皆曰某后某氏崩

分

註正月歸政二月崩○按歸政美辭也曰譏者書法

傳會綱目耳正月歸政二月崩其歸也由其崩也非
死期將至后之臨朝猶未已耳故當直書后崩與終
其身者等歸政二字雖不書可也綱目但知因事著
實如綱目原文舊史已明何取特書不知筆削之義有事雖已行而
非其本心者惡可以推而免如孝和之於實憲是也善不可以
襲而增梁后之歸政所謂襲取也何以書為

辛卯元嘉元年春正月朔尚書張陵劾大將軍冀罪詔以
俸贖

分註

羣臣朝賀大將軍冀帶劔入省尚書張陵叱出敕羽林虎賁奪劔冀跪謝陵不應即劾奏

冀請

廷尉論罪有詔以一歲俸贖百僚肅然

一歲

俸贖百僚肅然

發明

冀身負大逆而張陵以帶劔劾之捨其丘山之惡而論其毫芒之罪惟漢朝諸人不能早

致其辨是以至此極耳詔以俸贖特書於冊參譏之也

按陵能廷叱梁冀非不知輕重者

正由冀負大逆故敢廷叱非是亦未

必出此當於言外得之

弒君立君桓方論功益封

建和元年論定策功益封

冀萬三千戶封其子弟皆為列侯是年冬加冀殊禮增封賜第

安得正言其惡如發

明所云雖能正梁冀之罪獨不為桓帝慮乎

按李固姊文姬

戒固子爽曰慎無一言加於梁氏加梁氏則連主徒
上禍重至矣以婦人猶知此義尹氏獨不聞乎

殺其身無益於國智者不為也且陵能奪劔論罪使

百僚肅然視之胡廣趙戒

見弑帝
條分註

不猶愈乎書以俸

贖專罪帝也發明以為參譏非是

夏四月帝微行至河南尹梁胤府舍是日大風拔樹晝

昏

考證

至當作幸○謹按凡例曰
凡官府第宅曰幸後倣此

按凡例書幸為特行也上書微行故下書至

若不知所
往者然

考證泥例不可從

詔加大將軍冀殊禮增封四縣賜以甲第

考異

提要作增封賜第
無四縣以甲字

當從提要○按既加殊禮

分註有司奏冀入朝不趨
劔履上殿謁讚不名每朝

會與三公絕席十日
一八平尚書事

則增封賜第亦常事耳雖不言四

縣以甲可也況冀猶以所奏禮薄而不悅者乎

見分註

故當略之

丁酉永壽三年夏四月九真蠻反討破之

考異

此攻夷狄
誤作討

據例當書九真蠻反太守兒式戰歿遣都尉魏朗擊

破之

征伐例凡正統遣將則曰遣某官將某兵將卑師少則但云遣兵不遣兵而州郡自討則云州

郡或云州兵
或云郡兵

○按漢書云九真蠻叛太守兒式討之

戰歿遣九真都尉魏朗擊破之一勝一負非太守即

都尉綱目不書非是況凡例將卑師少猶云遣兵州

郡自討必稱州郡未有不書州郡兵將直稱討破者

當據漢書補正

書太守戰歿著蠻夷之強也書遣都尉擊破之明中國未嘗無人而朗能

勝任美
亦見矣

己亥 延熹二年初置祕書監官

後書祕書監官始此綱目不書疑漏○按恩澤例云
凡制詔謂前此所無而今始為之者皆書之註云秦
置丞相勲意祕書監官自孝桓始置是亦丞相之類
然秦書丞相而漢不書祕書監官非是固當補之

封皇后兄子鄧康宦者侯覽為列侯殺白馬令李雲引

農掾杜衆

雲下當補及字○按分註杜衆傷雲以忠諫獲罪上書願與雲同死帝愈怒并下之獄遂皆死獄中是衆之死由李雲也春秋之義凡非其罪而相因以死者則書及此當書及弘農掾杜衆

壬寅五年冬十月武陵蠻反

分註

蠻寇江陵南郡太守李肅走主簿胡典扣馬諫曰蠻夷見郡無備故敢乘間而進明府為

國大臣連城千里舉旗鳴鼓應聲十萬柰何委符守之重而為遁逃之人乎肅殺典而走徵肅棄市

復典門閭拜家一人為郎

據分註反下當書南郡太守李肅走徵棄市以為遁
逃苟免之戒綱目不書非是

癸卯六年秋武陵蠻復反郡兵討平之馮緄坐免

考異

此誤
書討

書復反則得書討考異不必從

書法凡例云凡反
者前已降者書討

乙巳八年是月晦日食詔舉賢良方正

書法

綱目書日食三百六十七而書求士者五帝
居其二然未聞有改焉則亦具文而已矣

詔舉以下六字宜刪○按凡例云凡因災異而自貶

損求言修政施惠者皆書無實者或不悉書此條書法既云具文固當刪去

詔壞諸淫祀

分註

特留洛陽王渙
密縣卓茂二祠

壞當作毀祀當作祠○按分註特留王渙卓茂二祠則非徒罷祀實毀其祠綱目宜書詔毀諸淫祠方得其實今上書壞下書祀彼此矛盾

書祀不當言壞
書壞不可言祀非

是漢書作房祀註謂祠堂亦非

九月地震○立貴人竇氏為皇后

立上漏冬十月三字○按立后重事也不可詳是

年立后在冬十月綱目繫於九月之後非是據靈帝

立后上書時下復書月

光和三年上書冬有星孛於狼弧下書十二月立貴人何

氏為皇后此年時月並闕俱非春秋無事猶書首時況立

后而可不書乎

丙午 九年夏四月河水清

宋徽宗大觀元年黃河清九百里凡七晝夜卒至靖康之禍何

瑞之有

書法

清於桓世其為不祥也審矣綱目書河清二
皆亂季也自漢桓延熹九年至高齊壬午年

近四百年爾則千年一
清之說亦不足信矣

非獨千年一清之說不足信書法謂四百年再見亦

非據漢紀延熹八年亦載河水清是一帝之世且再

見

桓帝在位
二十一年

況四百乎果以為異則當於始清之年

書之

河清當書於八年
夏四月此條可省

以為不祥漢以下亂非特高

齊也何獨至於壬午而後清况靈帝建寧四年河水

亦清綱目不書然則河清初無定期由綱目書否為

疏數有是理乎

或曰黃河之水本清流千餘里分九派始下撞而黃自是歷積石出塞外

懸崖注初其為龍門者不知凡幾故水渾濁至河南以下地勢平衍則當澄清而不清者以下氣騰也氣息則清然則河之清否由氣之騰息非真有關於盛衰之數也

丁未永康元年五月地裂

書法

地裂非小變也自和帝永元七年一書於是再見故通鑑不書綱目特書之終綱目書地

裂三

據書法地裂非小變則當悉書以見異按漢志自和

迄靈地裂凡九而綱目或書或否何與

和帝永元七年趙國易陽

地裂元興元年右扶風雍地裂安帝元初二年河南
雒陽新城地裂桓帝建和元年郡國六地裂永壽三
年河東地裂延熹元年馮翊雲陽地裂八年緱氏地
裂是年靈帝建寧四年河東十二處地裂並見五行

志

或曰裂之有事義者書無則否故自永元七年至

是再見勲曰不然據秦庚午年書法云地震變也震
而坼大變也元初元年書法云書地坼裂多矣未有
書地陷者地而至於陷大變也是則裂甚於震陷又
甚於裂綱目於地震雖無事義悉書獨於陷裂即有
事義不書豈為得輕重之平乎春秋之義書其重者

終綱目地震一百一而自和迄靈五十六

自和帝至靈帝在位

共一百一年

雖異亦常矣而地裂九地陷二

元初元年河東地陷見綱

目永初元年六月河東楊地陷東西百四十步南北百二十步深三丈五尺綱目不書

不尤可

異乎即以事義論梁冀枉殺李杜

建和元年殺李固杜喬

尤甚

於劫掠吏民

元初元年並見五行志

而元初元年地坼則書建

和元年地裂不書又何說焉信如書法所云則當悉

書不則震之無事義者亦宜稍略今同一地變也而

小者詳大者略果可為定論乎

遣使迎解瀆亭侯宏詣京師

是年十二月帝崩

考異

提要無詣京師三字

詣京師三字可刪蓋迎之者將以即位也非徒詣京師也曰遣使迎解瀆亭侯宏則其辭迫曰詣京師則緩矣故從提要

戊申

孝靈皇帝建寧元年閏月追尊皇祖為孝元皇夫人

為孝元后考為孝仁皇尊母董氏為慎園貴人

考異

祖上皇字羨按靈帝乃清河孝王曾孫其祖未嘗即帝位不當稱皇祖

母上尊字義

漢書無尊字

○按董氏與祖皆追尊也宜蒙

上文不必更加尊字考異知祖上義皇字而母上尊

字置不言何與據本紀靈帝乃河間孝王孫

見本紀及迎解

漬亭侯分註

考異以為清河亦誤

秋九月太傅陳蕃大將軍竇武奏誅宦者曹節等節等殺之遂遷太后於南宮

此亦當書及大將軍竇武○按前書以竇武為大將軍陳蕃為太傅此其先太傅何蕃首謀也故當書及

巳酉 二年夏四月青蛇見御座上大風雨雷電詔公卿

言事

上字雷字並美。○按張奐傳云蛇見御座軒前燉煌
實錄云蛇長六尺夜於御前當軒而見皆不言座上
帝紀及五行志皆無雷字宜刪

分註

張奐上疏曰昔周公葬不如禮天乃動威今
武蕃忠貞未被明宥妖青之來皆為此也宜

急為改葬徙還家屬其
從坐禁錮一切蠲除

按周書金縢有天動威之語乃周公避謗居東成王

感風雷之變新迎公歸之事也張奐欲改葬蕃武引此為言是謂成王葬周公不如禮故天為之動威以生作死殊乖經旨編錄者不加駁正非也

辛
四年春正月帝冠赦

考異

提要赦下大書唯黨人不赦五字

分註

唯黨人不赦

書法

赦不志書自元帝以來矣書永康赦以赦黨人也書今年赦以唯黨人不赦也書中平赦

又以赦黨人也

據書法赦不悉書必有故而後書是年書赦為不赦
黨人也提要大書為無分註耳綱目既列分註則大
書可省提要不必從

子^壬熹平元年三月太傅胡廣卒

當去太傅二字○按廣諂事梁冀亦王舜揚雄之流
廣稱冀勲德比周公分註亦載廣
遜言恭色取媚於時天下薄之但冀事未成罪下

於莽故廣得書卒今復書官與朱穆書尚書者何別

桓帝延熹六年書尚書令朱穆卒賢之也按穆戒冀
而廣阿之穆嫉宦官而廣與中常侍丁胤婚姻忠邪

霄壤未可同日語

故當準劉穆之例

見晉安帝義熙十三年

曰胡廣卒

而已

甲子 中平元年三月以何進為大將軍屯都亭

考異

此亦當書后兄何進與梁冀同

當從考異補后兄二字○按進罪雖與冀殊

冀弑質帝

而

專國致亂

如誅蹇碩遷董后召董卓誅宦官卒致殺身廢帝皆進罪也

與冀無異

是亦與政之禍也

凡例親戚書屬以著與政之禍

故當一施之

戊辰

五年南匈奴右部反殺其單于羌渠

考異

殺當
作弑

當從考異作弑。○按分註詔發南匈奴兵配劉虞討

張純羌渠遣左賢王將騎詣幽州

是年虞為
幽州牧

則義舉

也而右部殺之

右部醢落反與屠各胡
合十餘萬人攻殺羌渠

非其罪矣故

當書弑

已巳
六年春二月皇甫嵩擊王國大破之

考異

擊當
作討

當從綱目作擊。○按前書討者正其名也

上年十一月書王國

圍陳倉以萬為左將軍討之

此書擊者紀其實也

分註董卓欲救陳倉萬曰待其

疲而擊之全勝之道也國攻陳倉不拔疲敝解散萬進兵擊之斬首萬餘級

考異不必從

三月劉虞討漁陽賊斬張純餘衆降散

斬當作誅○按分註純客殺純送首於虞非虞討而斬之也例當書誅以正純罪書斬非其實矣

帝崩皇子辯即位尊皇后曰皇太后太后臨朝封皇弟協為陳留王

考異

皇字美

考證

皆當去
皇字

分註

初帝數失皇子何后生辯養於道人火子眇家號曰火侯王美人生活協董太后自養之號

曰董侯羣臣請立太子帝以辯輕佻無威儀欲立協猶豫未決會疾篤屬協于蹇碩欲先誅何進而立協使人迎進進往碩司馬潘隱迎而目之進驚馳歸營引兵入屯百郡郡稱疾不入辯即位年十四太后臨朝封協為陳留王年九歲

書法

辯何以不書太子
未嘗立為太子也

皇者下稱上之辭靈帝既崩太子未立書皇明辯為

靈子所以紹其統也

非自謂其協稱皇弟別於太后子為皇例

耳

上書太后臨朝下曰封弟協
為王不書皇則疑於后弟

考異考證不必從

秋七月大將軍進召董卓將兵詣京師太后詔罷諸官
官八月宦官張讓等入宮殺進劫太后帝出至河上司
隸校尉袁紹捕宦者悉誅之帝還宮以卓為司空

考異

一本無詣京師三字按
提要劫太后下有及字

分註

袁紹說何進誅宦官進白太后請盡罷中常
侍以下以三署郎補其處太后曰中官既領

禁省漢家故事也且先帝新棄天下我奈何楚楚
與士人共對事乎進難違太后意事久不決紹等
又為畫策多召四方猛將使並引兵向京城以脇
太后進然之主簿陳琳諫不聽曹操聞而笑之初

靈帝徵董卓為少府不至及帝寢疾璽書拜卓并州牧令以兵屬皇甫嵩皆不奉詔駐兵河東至是何進召之使將兵詣京師以誅宦官為言卓聞召即就道并上書曰張讓等竊倖承寵濁亂海內臣聞揚湯止沸莫如去薪今輒鳴鐘鼓如雉陽請叔讓等以清姦穢太后猶不從袁紹懼進變計因脇之曰交構已成將軍復欲何待而不早決之乎事久變生復為實氏矣進於是以前為司隸校尉紹促董卓使馳驛上奏欲進兵平樂觀太后乃恐恚罷中常侍小黃門使還里舍皆詣進謝罪袁紹勸進便於此決之再三不許謀頗泄張讓子婦太后之妹也讓叩頭請復一入直得暫奉望太后顏色太后乃詔皆復入直進入長樂宮白太后請誅諸常侍張讓段珪具聞其語乃率其黨數十人持兵伏省戶下斬進進部曲引兵燒南宮青瑣門讓等將太后少帝及陳留王從複道走北宮尚書盧植

執戈於閣道窗下仰數段珪珪懼乃釋太后太后
投閣得免紹遂閉北宮門勒兵捕諸宦者無少長
皆殺之讓珪等因迫遂將帝與陳留王數十人步
出穀門夜至小平津公卿無從者惟盧植及河南
中部掾閔貢至河上貢厲聲責讓等因手劍斬數
人讓等惶怖叩頭白帝曰臣等死陛下自愛遂投
河而死貢扶帝與陳留王還至雒舍明旦南行公
卿稍有至者董卓亦到因與公卿奉迎於北芒阪
下帝見卓兵卒至恐怖流涕羣公謂卓曰有詔卻
兵卓曰公諸人為國大臣不能匡正王室至使國
家播蕩何卻兵之有遂有廢立之意是日帝還宮
失傳國璽鮑信募兵適至說紹曰董卓將有異志
今不早圖必為所制及其新至疲勞襲之可禽也
紹不敢發信乃引兵還泰山卓於是諷朝廷以久
雨策免司空
劉弘而代之

書法

卓前書將軍矣此則曷為不書於是卓累徵拜不奉詔也直書董卓而冠之以進召罪進

也漢之禍進為之○書詔罷宦官矣張讓等曷為復以宦官書譏不力也於是太后詔復入直不書

書入惡辭也○於是紹勒兵捕宦者無少長皆殺之進攻省內讓等將帝步出此其先書帝出何不

以播蕩累累紹也宦者書誅罪之也然則紹無貶與帝出河上紹捕宦者悉誅之則其專且濫之罪著

矣終綱目書誅宦官四其克者二漢書悉誅唐書大誅皆甚之之辭也

當書秋七月大將軍進召董卓誅宦官太后不從八

月宦者張讓等殺進劫帝出奔至河上讓等死帝還

卓自為司空○按綱目此條正文冗而無當以召卓

罪進書法已言之然讓等殺進劫帝皆太后之過據

分註董卓上書請收讓等太后不從其詔罷宦官特

為卓所恐非本意也

按分註始云進難違太后意既云太后不從末云太后乃恐詔

罷宦官果
后意乎

觀復召讓等八直可見

帝禍
始此

綱目宜直書

太后不從以著其罪

史綱多所更定獨此一循舊文何無擇別惟陳壽魏志直書太

后不聽
得之

今日詔罷諸宦官是予后也豈春秋誅意之

法乎況讓劫后及帝未幾太后以投閣免至河上者

帝與陳留王也今並書太后帝

提要書及史
綱從之尤誤

出至河

上尤非其實且進之召卓紹實啓之紹始促卓進兵

以逼太后既而畏卓跋扈不從鮑信早圖之言徒逃

遁苟免遂使卓廢帝為王

九月紹奔冀州卓廢帝為弘農王

紹雖悉

誅宦官何補於亂捕宦者悉誅句宜削以示貶

宦官中豈

無無辜者紹逸渠魁而殺其餘徒亂人國何益故削之

今上書却帝出至河上

下書帝還宮中曰司隸校尉捕宦者悉誅之是紹方

有清側反駕之勲不幾以罪魁為功首乎書法不達

此義猶謂罪其專且濫夫救焚者不俟命除惡者必

務盡使紹果能除君慝而全宗社何惜於宦官而謂其專且濫邪又況上書殺進劫帝宦官之罪尤不可追者邪綱目不當書而書劉氏不宜貶而貶是非若此何以垂訓乎○直書誅宦官當時以誅宦官為言也

見分註

不書袁紹捕宦者悉誅之而曰讓等死劫帝

者讓也讓不死則帝不還故專目讓也

是時渠魁在讓當紹誅宦

官讓猶在也綱目但書悉誅不及讓等之死尤為闕漏

卓為司空不曰以而書

自凡例纂賊注云董卓曹操自其得政遷官皆依范史直以自為書之卓為司空不書自而曰以尤與

例不既以為廢帝弑后之本又以證召卓者之非也
數字之中諸義悉備覽者詳焉

九月袁紹出奔冀州卓廢帝為弘農王奉陳留王協即位
遂弑太后何氏

考異

提要無出字

書法

書出奔何卓強也紹出奔而弘農遂廢矣綱目連書之所以著紹奔之由也

出字美

直書奔冀州急辭也書出則緩矣提要可從

奉當作以即位當作

為帝○按是時主廢國亂宗社播遷何位可即而曰

奉某即位乎又況未幾卓遷帝於長安位安在哉故

當書曰以陳留王協為帝

春秋傳云能左右之曰以書以者明帝之左右在卓

也又可為下文遷帝長安之本與春秋書劉單以王猛義同

書奔冀州罪紹也紹

奔而後帝廢為王明紹不能扞君于艱徒苟免以全

生耳

拓舉之戰楚師敗績下書楚囊瓦出奔鄭說者謂誅大臣之敗國而以身免也可為一證詳魯

定公四年

書法以為著紹奔之由謬甚夫不以臣之出奔

為棄君乃以主之見廢為累臣輕重之權衡固若斯

乎

庚午 孝獻皇帝初平元年

獻當作愍○按孝獻乃魏明帝所謚昭烈則謚帝為
孝愍也綱目既以昭烈為正統當以孝愍為正或曰
孝獻謚於已卒之後孝愍猶在未崩之前可以生謚
為正乎曰不然帝雖未崩是時已廢為山陽公與崩
無異且帝實可愍而非獻也不從其正且實者徒襲
誣罔之號是篡賊得謚君父揆諸不用後人貶爵之

例亦自矛盾

按歲年繼世註云被廢無謚者但曰帝某不用後人所貶之號愚謂即有謚者亦當

止書帝某不用所謚之號

三月卓遷都長安燒洛陽宮廟發諸帝陵車駕西遷

考異

提要無帝字及車駕西遷五字

分註

董卓收諸富室以罪惡誅之沒入其財物死者不可勝計悉驅徙其餘民數百萬口於長

安步騎驅蹙更相蹈藉饑餓寇掠積屍盈路卓自留屯畢圭苑中悉燒宮廟官府居家二百里內無復雞犬又使呂布發諸帝陵及公卿冢墓收其珍寶三月帝至長安

書法

李惟曹操皆書遷帝於某逼遷也此則曷為有三字遷書其上書卓遷都燒宮廟發諸陵

然後書車駕西遷則其逼脇淒涼之狀自見矣書卓遷都專辭也書車駕西遷不得不遷之辭也

當書卓焚宮廟發諸陵遷帝於長安

按帝紀卓遷都
在二月丁亥車

駕入長安在三月乙巳綱目特書三月
是據入長安時言也固知遷都句可刪

○春秋之義

書其重者書遷帝則卓之遷徙餘民遷都長安者不

足言矣書法謂與李傕曹操異非也提要專言遷都

不及車駕尤誤諸帝帝字可刪

觀修陵謁陵不
稱諸帝可見

○或

曰據漢書卓焚宮廟在車駕入長安之後此其先書

焚宮廟何曰宗廟為重君為輕之義也且卓之所以

焚宮廟者凡皆使帝無反顧之心耳事雖在後意實

居先

先書焚宮廟誅其意也

顧可泥迹而畧其心乎必以先後

論則呂布之走在殺王允之先綱目又何以先允而

後布邪可以類推

辛未

二年劉焉殺漢中太守斷斜谷閣

考異

提要無閣字

閣字不可少按崔浩云斜谷路險不容行架木為棚而度曰閣道是所斷者架木為棚之閣道非斜谷也若斜谷則險不容行不待斷而已斷矣提要疑漏

壬申三年李傕郭汜等舉兵犯關殺司徒王允吕布走出

關

分註

初吕布勸王允盡殺董卓部曲允曰此輩無罪不可布欲以卓財物頒賜公卿將校允又

不從允素以劔客遇布布負其功勞多自誇伐既失意望漸不相平允性剛稜疾惡初懼董卓故折節下之卓既殲滅自謂無復後患頗自驕傲以是羣下不甚附之允始與士孫瑞議特下詔赦卓部曲既而疑曰部曲從其主耳今若名之惡逆而赦之恐適使深自疑非所以安之也乃止又議恚罷其軍或說允曰涼州人素憚袁氏而畏關東今若一旦解兵開關必人人自危可以皇甫義真為將軍就領其衆因使留陝以安撫之允曰不然關東舉義兵者皆吾徒也今若距險屯陝雖安涼州而

疑關東之心不可也時百姓訛言當悉誅涼州人
卓故將校遂轉相恐動皆擁兵自守李傕等還至
陝遣使詣長安求救不得傕等益懼欲各解散間
行歸鄉里校尉賈詡曰諸君若棄軍單行則一亭
長能束君矣不如相率而西以攻長安為董公報
讐事濟奉國家以正天下若其不合走未後也傕
等然之乃相與結盟率軍數千晨夜西行隨道收
兵比至長安已十餘萬與卓故部曲樊稠李蒙等
合兵圍長安城呂布與戰不勝將數百騎走王允
扶帝出宣平門避兵傕等於城門下伏地叩頭曰
董卓忠於陛下無故為呂布所殺臣等為卓報讐
非敢為逆也共表請王允出問太師何罪允窮蹙
乃下見之傕等收司隸黃琬殺之王允以宋翼為
馮翊王宏為扶風傕等欲殺允乃先徵翼宏宏遣
使謂翼曰傕等以我二人在外故未危王公今日
就徵明日俱族闕東義兵鼎沸欲誅董卓今若舉

兵共討，惟等與山東相應。此轉禍為福之計也。翼不從，宏不能獨立，遂俱就徵。惟收允及翼，宏并殺之。屍王允於市。

發明

以當時言之，惟記之變激於允之不能容，使允能從或者之議，以皇甫義真就領其衆，不

然因其求赦而赦之，亦足少安反側之心，未必召禍。如是之烈，然綱目於此略無答允之意，何哉？允身為大臣，密謀討賊，不動聲色，使弑逆之虜一旦勦滅，其有功於漢多矣。天若祚漢，必無反覆之理。不幸漢德告終，逆黨復出，故允身罹不測之禍，而漢亦隨之。此則天之所廢，非特人謀不善之失也。綱目書惟記舉兵犯關，則見逆賊反叛之罪，書殺司徒王允，則見無罪見殺，死於其位之節。然則懲惡勸善之義，知有逆順而不

知其有成敗也，豈不嚴哉？

成敗雖可不論然其所以成所以敗則不可不知也
使人謀盡善而天意不從斯可歸之命耳若王允之
誅董卓勲以為有六失焉部曲宜殺而不殺一也財
物宜散而不散二也前折節而後驕傲三也欲安關
東而疑涼州四也求救不得五也宏翼在外不使之
連兵關東共討催等六也具此六失而曰天命非人
事惡可哉綱目不答允者為欲罪催汜故不得而罪
之允雖未盡善非催汜所宜殺書官書殺非以恕允

所以深惡僉汜也且既正其法於綱復詳其事於目則允之失自見不待別加貶黜而後著發明據此以論王允非特以功掩過凡操不得國天實祚之又安可黜之為僭而名之為賊哉夫欲恕一人而使亂賊得託以逃罪非所語於春秋之法也

癸酉 四年大司馬劉虞討公孫瓚不克見殺

考異

按分註虞與瓚積不相能虞遣使奉章陳其暴掠之罪瓚亦上虞廩糧不周二奏交馳互

相非毀朝廷依違而已詳考事情瓚非叛賊之比難以討書又按興平二年書虞子和攻公孫瓚不

書討○勲按和非虞比虞公而和私也私
謂復父讐不當與虞之忠國者同日語

瓚雖非賊未始無叛志觀分註謂瓚築小城以居虞

恐終為亂是虞之攻瓚乃憂國之忠

二年闕東諸將奉虞為帝虞不

受綱目大書美之

瓚上虞廩糧不周特加之罪耳以此推之

雖書討可也況闕東諸將自相矛盾實由瓚始方帝

遣虞子和逃歸令虞來迎表術留和瓚使弟

越

教術

執和奪其兵虞瓚由是有隙

詳元年瓚攻表紹分註

然則過不

在虞而董卓以外首叛帝者瓚也綱目於劉虞書官

書見殺自是予虞罪瓚之意

虞書官書見殺而瓚書自焚死固知予虞而罪

瓚也瓚死在

建安四年 考異不必從

丙子 建安元年曹操入朝自為司隸校尉錄尚書事

分註

曹操在許謀迎天子衆以為山東未定韓暹楊奉負功恣睢未可卒制荀彧曰昔晉文公

納周襄王而諸侯景從漢高祖為義帝縞素而天下歸心今天子蒙塵將軍首唱義兵徒以山東擾亂未遑遠赴今鑾駕旋軫東京榛蕪誠因此時奉主上以從人望大順也秉至公以服天下大畧也扶弘義以致英俊後大德也四方雖有逆節其何能為若不時定使豪傑生心後雖為慮亦無及矣操乃遣曹洪將兵西迎天子董承等拒之洪不得進議郎董昭以揚奉兵馬最強而少黨援作操書與

奉奉得書喜語諸將共表操為鎮東將軍韓暹矜功專恣董承患之因潛召操操乃將兵詣雒陽既至奏韓暹楊奉之罪帝以韓楊有功詔勿問以操領司隸校尉錄尚書事操於是誅有罪賞有功矜死節封董承等十三人為列侯

發明

綱目凡專國之臣於其進爵則必以自為書之是時操方入朝未有無君之心而書法遽

已如此何哉夫慶賞刑威曰君作威作福惟辟操之此行誅有罪賞有功矜死節封董承等十三人為列侯是皆出於天子之命邪抑皆出於操之所為邪況操擁兵向闕脅制朝廷天子在其掌握則以自為司隸校尉書之夫豈過哉觀之苟或之所謀槩以春秋誅心之法參諸綱目之所書而益信

操為司隸書自非徒以誅罪賞功也為實有無君之心也操無君之心不自今日始當其劫詢許劭劭以操為亂世之姦雄操喜而去其意已萌於此矣及何進召董卓誅宦官不從主簿陳琳之諫操聞而笑之

固知漢廷之無人也

中平六年謀誅宦官袁紹為何進畫策多召四方猛將陳琳諫

曰將軍統皇威握兵要但當速發雷霆行權立斷則天人順之而反委釋利器多徵外助大兵聚會强者為雄功必不成祇為亂階耳進不聽操聞而笑曰宦者之官古今宜有但世主不當假之權寵使至於此既治其罪當誅元惡一獄吏治矣何至紛紛至董卓召外兵乎欲盡誅之事必宣露吾見其敗也

焚宮廟劫天子袁紹等畏莫敢擊操獨曰向使卓倚

王室據舊京東向以臨天下雖以無道行之猶足為

患今焚劫若此此天亡之時也又已知卓之無能為

矣觀其得荀彧則曰吾子房荀彧說操亦曰此將軍

之關中河內

興平元年曹操以陶謙已死欲遂取徐州還定呂布荀彧曰昔高祖保關中光

武據河內皆深固根本以制天下故雖有困敗終濟大業將軍本以兗州首事且河濟天下之要地是亦

將軍之關中河內君臣相與無非自為者至是謀迎

天子衆疑韓楊難制彧獨謂雖有逆節其何能為此

操倚王室以臨天下之意也尹氏謂操未有無君之心特為操所欺耳

丑丁二年以呂布為左將軍布擊袁術兵破之

考異

按術僭號當書布討袁術破其兵

分註

袁術遣使以稱帝告呂布因求迎婦布遣女隨之陳珪恐徐揚合從為難未已往說布曰

曹公奉迎天子輔贊國政將軍宜與協同策謀共存大計今與術結婚必受不義之名將有累卵之危矣布亦怨術初不已受也女已在途乃追還絕婚械送其使梟首許市術遣大將張勲等與韓暹楊奉七道攻布布懼不敵用珪策與暹奉書并力破術許悉以術軍資與之暹奉大喜從布進軍勲

等散走殺傷墮
水死者殆盡

據分註布非為國討賊特以私怨擊術耳故術雖僭
帝書擊不書討考異不必從

秋七月曹操擊袁術破走之

原本誤作走破
今從考異改正

考異

擊亦當作討

操亦漢賊也以賊擊賊故書擊考異說誤

戊寅

三年夏四月詔將軍段熲等討李傕夷三族

傕下漏誅之二字○按獻帝起居註云傳傕首至許

詔高懸之是僉已誅也綱目不書誅則僉之死生未可知安在其夷三族邪

甲申九年丹陽郡吏殺其大守孫翊翊妻徐氏討殺之

考異

按征伐例曰凡得其罪人於臣子曰誅於外國若非其臣子曰斬曰殺此太守討殺郡吏

亦當書誅誤作殺字耳

分註

丹陽督矯覽丞戴員殺太守孫翊覽欲逼取翊妻徐氏徐紹之曰乞須晦日設祭除服然

後聽命潛使所親語翊舊將孫高傳嬰等與共圖覽高嬰涕泣許諾密呼翊時侍養者二十餘人與盟誓合謀晦日設祭徐氏哭泣盡哀畢乃除服薰香沐浴言笑懽悅覽密覘無復疑意徐呼高嬰置戶

內使人召覽入適得一拜徐呼二君可起高嬰俱
出共殺覽餘人自外殺員徐氏乃還繚經奉覽員
首以祭翊墓舉軍震駭孫權族
誅覽員餘黨擢高嬰為牙門

殺當作誘誅討字羨○按徐氏以身為囚始克圖覽
非能正名其罪而討之故但書誘誅以正員覽之罪

雖不稱討可也

考異但知書殺之誤不知
徐氏此舉未可以討名也

資治通鑑綱目卷十四

分註

起已丑漢獻帝建安十四年
○盡丁未漢後主建興五年

考異

當分註盡丁未漢
帝建興五年

考證

盡丁未後主建興五年十五卷起盡十六卷起凡曰後主皆當作帝禪○謹按凡例曰

凡正統之君曰帝僭稱帝者曰主收菴姚氏曰綱目書漢中王即皇帝位統斯正矣而於其子獨曰後主何哉且自建興以及炎興用天子制以臨四方者實四十年豈於即位正始之年不帝乃曰後主乎諸曰後主者皆溺於熟口順耳不思而失於刊正也凡例又曰有被廢無諡者但曰帝某而不鈞於無諡者故下取晉帝奕例書曰帝禪

主當作帝後字不可省○按創業之君稱祖紀其始

也亡國之主稱後稱末

如北齊高緯陳叔寶稱後主梁朱瑱後唐從珂稱末帝之

類著其終也漢自高光迄於靈獻國統再絕不得已

而以昭烈紹之，久再傳而滅漢，自是無復炎祚矣。昔人於昭烈父子稱先後主，初非無意。蓋上無所繼，下無所承，明其自為首尾也。綱目出而後，紹昭烈於高

光，雖以續漢亦以終漢。

綱目於禪降始書漢亡

例當倣後主末

帝之稱，書曰後帝。禪既正其名為帝，復從其號曰後。若曰禪乃漢之後帝也，漢之後帝固冇陵夷衰微如禪者，仰眺高光，俯矚安樂。魏廢帝為安樂公亦士君子感慨發憤之一時也。凡書帝禪某年，皆加後字於上。

辛卯十六年春正月曹操以其子丕為五官中郎將為丞

相副

當直書以其子丕為丞相副五官中郎將六字可刪

○按前書曹操自為丞相

見十三年

此書以其子為丞相

副子父濟惡其罪自見五官中郎將常事耳

觀書法但言丞

相副而不及五官中郎將固知所重不在此也

雖不書可也

按凡例云正統命官宰相皆書

餘官非有故不書又曰魏晉以後一除數官則書其重者莫重於丞相副而操創為此職其有故尤大非有故不書正統且然况操以乎勲故刪五官中郎等字直書以其子丕為丞相副庶幾輕重之別也

甲午十九年春張魯遣馬超圍祁山夏侯淵擊却之

考異

提要夏上有將軍二字

淵始見也宜書官當從提要補將軍二字

夏四月旱五月雨水

此條宜刪○按凡言旱者必積日已久而後謂之旱至雨水則始下之時已驚傳為雨水矣今於四月書旱五月即書雨水是旱未大甚而又得雨為之潤則旱不為灾而雨水亦無足為憂喜者雖不書可也况

是時冠履倒置天地變易區區水旱曷足為異而特書之哉

枹罕宋建反冬十月討斬之諸羌皆降

當作遣夏侯淵擊斬之○按此操遣淵也

漢紀云曹操遣將夏

侯淵討宋建於枹罕獲之

操亦建耳不當書討

櫛操擊張魯不書討可證

十一月魏公操弒皇后伏氏及皇子二人

當去魏公二字直書曹操弒○或曰王莽弒帝書安

漢公操弒后斥稱姓名何曰書安漢者罪太后也操

君在上而敢於弑后及子直國賊耳何魏公之有

未^乙二十年春正月立貴人曹氏為皇后

書法

嘗書立大將軍光女為皇后矣又書立安漢公莽女為皇后矣此其不書魏公操女何命

自上出也其自上出何伏后之弑帝蓋原廩矣於是立其女為皇后帝將求以自媚於操也不亦甚

可悲哉

不書立魏公操女為前書操納三女為貴人

見十八年此

書立貴人曹氏為皇后其為操女已明不待書也書

法以為命自上出書立魏公操女獨非命自上出乎

異不在立在某女而已其立也不得不立者也

當其納女

為貴人已有為后之意伏后不
知避位反欲圖操是自速死也書法謂求以媚操亦

非定論觀后行泣過訣曰不能復相活邪帝曰我亦不知命在何時帝蓋自處以必死矣更何望哉

三月魏公操擊張魯

此亦當去魏公二字直書曹操擊以下除進爵外一
循此例不必更以魏公冠之蓋魏公之號本非人主
所加十八年曹操自立為魏公而弑后以來操已不復漢之臣子

其官爵姓氏應聽後人以此是非予奪

如魯桓公無王定公無正月天

時王法春秋猶以大義裁之而不書況賊臣偽爵乎

寧得復存其故號邪故當

去魏公二字以附於王莽之例○或曰操雖弑后及

皇子未弑帝也恐不宜與莽同勲謂不然操不弑帝

非畏而不敢姑留以令天下耳故獻帝雖存操之心

久已無帝必待弑帝而後誅則終操之身且逃萬世

之罰矣

秋七月魏公操取漢中走張魯留將軍夏侯淵張郃守

之而還

當書留夏侯淵及張郃等將軍二字義○按凡例云凡僭國之臣不以賢否皆因事乃見又曰凡有官者書官惟初除一見淵於上年不書官始見於此皆與例不合故當刪去分註云以夏侯淵督張郃徐晃等守漢中則此當加及等二字庶主次明而操之加意漢中亦可見矣綱目略之非是

冬十月始置名號侯以賞軍功

始上漏魏字○按此亦魏置也當與十八年初置尚書侍中書魏同綱目於彼書魏而此不書非是

十一月張魯出降以為鎮南將軍封其屬閭圍為列侯

此亦當書操以與十九年以高柔為丞相理曹掾同

中丙二十一年夏四月魏公操進爵為王操殺尚書崔琰

考異

提要漏一操字一本殺下有其字

書法

上書魏公操進爵下書殺琰蒙上文可矣曷為再書操不再書操則未知其誰殺之再書

罪操也

當作殺其尚書崔琰不必更著操字提要不再書操

良是考異以為漏書法以為未知誰殺之皆謬○按

天鳳元年莽遣太傅免司馬

時平晏為太傅
逮並為大司馬

綱目皆

書其以太傅司馬莽私爵也琰為尚書亦操所辟

操領

冀州牧辟
琰為別駕

非漢官也惟書殺其尚書崔琰然後見交

譏之意如荀攸書魏

十九年書
魏荀攸卒

所以魏攸若直書殺

尚書某則僅見操專殺之罪而琰仕操之失隱矣

以裴潛為代郡太守

以上漏魏字

二十五年賈逵為豫州刺史做此

○按裴潛臣魏者當

書魏以與鍾繇華歆同

繇為相國歆為御史大夫皆有魏字

綱目於繇

歆書魏而此獨略非是或曰書法謂潛以恩信見稱意者其諱賢與曰不然潛雖有恩信特為魏耳曷足諱哉史家不列潛於漢而與杜襲趙儼並入魏志有以夫

丁酉

二十二年春正月魏王操擊孫權三月權降

或曰此亦當去魏王二字曷為不削勲謂前去魏公

者

弑后以下
皆斥稱操

明操之為賊所以待天下之誅也自是

進公而為王擊權而權降則是無復知其為賊且相

率而歸魏矣故如其意而書魏王

與春秋書桓
宣即位同

且魏

業將成而漢廷之無人也豈予之哉

權遣陸遜討丹陽山越平之

考異

提要權上當
如一孫字

討當作擊○按凡例云非正統相攻先發者不曰寇

陷後應者不曰征討是時權已降魏魏復僭帝

操用
天子

車服出入警蹕中國已非正統例當書擊觀明年烏桓反操

遣子彰擊破之不書討可見○權不書姓蒙上文也

上書孫權陸口守將魯肅卒權以呂蒙代之考異不必從

己亥二十四年冬十月孫權使呂蒙襲取江陵魏王操帥

師救樊關羽走還權邀斬之十二月蒙卒

以孫權為票騎將軍領荊州牧

此條當繫上文蒙卒之下不應特書○按操表權為

將軍所以賞其斬侯之功也

權與操牋請以討侯自効詳見分註法當

合書曰操以權為票騎將軍領荊州牧今特書以而

不繫操何以見其義哉况權稱臣於操

分註云權上書稱臣於操

稱說天命

尤叛人之黨不可不連書以著孫曹相與之媿

而權殘義士以附賊臣其罪尤不可勝誅矣

庚子二十五年

魏文帝曹丕黃初元年○是歲僭國一

春正月丞相冀州牧

魏王曹操還至洛陽卒太子丕立自為丞相冀州牧

考異

按即位例曰凡僭國始稱王者繼世曰嗣據咸康二年書魏晉王昭卒太子炎嗣此書立

不書嗣

蓋傳誤

當書魏王曹操死子丕嗣○或曰綱目卒曹操例也

凡例僭國稱王公者其書死何曰操漢賊也凡例盜曰某王公姓某卒

不於其死誅之則竟逃萬世之罰矣據前自立為魏公稱公進爵為

王稱王略無貶辭然則曷為仍書魏王書魏王明非漢之臣

子且以別丕之為魏也而操以漢賊得終王爵無復

有討之者又以罪漢之臣子也丕方欲稱帝是年冬十月

何有於丞相州牧故削之直書子丕嗣其子父濟惡

之罪著矣不書自者受之於父非創也不以自為罪丕益以正操

之為賊也周文
之說惡可掩乎

書法

卒書官書爵書姓如鄧禹非予之也幸之也使操不死必將大以不臣終矣

書法非是使操卒而獻能自立不失舊物猶曰幸之

不數月丕已稱帝廢帝為山陽公何幸之有且曰操

不死必以不臣終將謂操存猶漢臣邪弑君之舉操

所不為彼方以周文自處


陳羣等請正大位操曰若天命在吾吾為周文矣詳

上條分註

豈肯及身為之縱令不死或傳位於子使之廢

帝而自立操蓋善歸已過歸人者也劉氏何足以知

此



綱目續麟卷七